

EDUARDI SANDIFORT
O R A T I O

DE

CIRCUMSPECTO CADAVERUM
EXAMINE OPTIMO PRACTICÆ
MEDICINÆ ADMINICULO,

HABITA PUBLICE,

CUM

IN ACADEMIA LUGDUNO-BATAVA ORDINARIAM
ANATOMES ET CHIRURGICÆ PROFESSIONEM
AUSPICARETUR,

A. D. xxv. MAJI MDCCCLXXII.



LUGDUNI BATAVORUM,
Apud SAM. ET JOH. LUCHTMANS, 1772.
Academiæ Typographos.



V I R I S

PERILLUSTRIBUS ET GENEROSIS,
ACADEMIÆ BATAVÆ
CURATORIBUS,
GULIELMO,
COMITI DE BENTINK,
RHOONÆ ET PENDRECHTÆ DOMINO, EQUESTRI
HOLLANDIÆ ORDINI ADSCRIPTO, DELEGATORUM
HOLLANDIÆ ORDINUM PRÆSIDI, AGGERI-
BUS ET VIIS RHENOLANDIÆ CURANDIS
SEPTEMVIRO, ETC. ETC.

PETRO STEYN, J. C.
ILLUSTRISSIMORUM ET PRÆPOTENTIUM HOLLAN-
DIÆ ET WESTFRISIÆ ORDINUM CONSILIARIO ET
SYNDICO SUPREMO, MAGNI SIGILLI CUSTO-
DI, SUPREMÆ CURIÆ FEUDALIS PRÆSI-
DI, EJUSQUE TABULARII PRÆFE-
CTO, AGGERIBUS ET VIIS RHE-
NOLANDIÆ CURANDIS SEP-
TEMVIRO, ETC. ETC.

PETRO VAN BLEISWYK, J. C.
A. L. M. PHILOS. D. CIVITATIS DELFENSIS CONSI-
LIARIO ET SYNDICO, ETC. ETC.

EORUMQUE COLLEGIS;

V I R I S

NOBILISSIMIS ATQUE AMPLISSIMIS,

CIVITATIS LEIDENSIS CONSULIBUS,

CORNELIO SPEELMAN, J. C.

EQUITI BARONETTO, LIBERO TOPARCHÆ AB
HEESWYK ET DINTER, ETC..

CORNELIO CHASTELEIN, J. C.

ADRIANO CRUCIO, J. C.

NICOLAO VAN ALPHEN, J. C.

SOCIETATIS INDIE OCCIDENTALIS
MODERATORI, ETC.

NEC NON

V I R O

GRAVISSIMO, SPECTATISSIMO,

JANO VAN ROYEN, DAV. FIL. J. C.

CIVITATIS LEIDENSIS CONSILIARIO ET SYNDICO, IL-
LUSTRI ACADEMIÆ CURATORUM COL-
LEGIO AB ACTIS,

*Orationem hanc ea, qua par est,
animi veneratione,*

D. D. D.

AUCTOR.

EDUARDI SANDIFORT

ORATIO



MAGNIFICE RECTOR.

PERILLUSTRES ET GENEROSISSIMI ACADEMIÆ
BATAVÆ CURATORES.

AMPLISSIMI ET NOBILISSIMI CIVITATIS LEIDEN-
SIS PRÆTOR, CONSULES, JUDICES, QUIQUE
HIS A CONSILIIS VEL AB ACTIS ESTIS, VIRI
GRAVISSIMI.

DIVINARUM, HUMANARUMQUE DISCIPLINARUM
PROFESSORES CLARISSIMI.

QUI TRIBUNALI ACADEMICO AB ACTIS ES, VIR
SPECTATISSIME.

ORACULORUM DIVINORUM INTERPRETES FACUNDISSIMI.

MATHESEOS LECTOR PERITISSIME.

OMNIUM ARTIUM ET SCIENTIARUM DOCTORES ERUDITISSIMI.

CIVES, HOSPITES, AUDITORES, CUJUSCUMQUE ORDINIS AC DIGNITATIS, SPECTATISSIMI.

TU, DENIQUE, LECTISSIMA ACADEMICÆ JUVENTUTIS CORONA, PATRIÆ SPES, PARENTUM VOLUPTAS, ACADEMIÆ DECUS, DELICIÆ NOSTRÆ.

EDUAR.

EDUARDI SANDIFORT

O R A T I O

D E

CIRCUMSPECTO CADAVERUM EXAMI-

NE OPTIMO PRACTICÆ MEDI-

CINÆ ADMINICULO.



Iusta SENECAE querela est; multas rerum naturam mortis aperuisse vias, multis itineribus fata decurrere, & hanc miserrimam esse humani generis conditionem, quod uno nascimur modo, multis morimur. (a). Tot enim

A

ac

(a) Lib. 3. contr. 16.

ac tantis vicissitudinibus perpetuo patet, ut semper quasi sub ferali icu trepidet, districtumque ensem, super fragili cervice pendentem, singulis ferme momentis extimescat; Tot diris in dies exponitur morbis, ut, ratis instar, procellosa tempestate quassæ fractæque, fatiscat, ac subsidat, ni continuo occurratur.

Mille itaque moriendi necessitates si hominibus impositæ sunt, & tot tantisque copiis miseros quotidie adoriuntur morbi, ut numerus eorum vix ac ne vix quidem iniri possit, nil est, quod miremur, omni ætate, omnium gentium, antiquissimam fuisse curam, ut infestissimos illos humani generis hostes propularent, vitamque incolumem, ab omni ærumna & languore liberam, quam diutissime tuerentur.

Hanc ob causam inventa, experimentis

mentis postea ulterius perfecta, Medicina, prima ætate rudis fuit, atque stupida; & licet Ægyptii, institutis per non exiguum temporis spatium morborum observationibus, nonnullos fecerint progressus, non tamen in Artis formam redacta fuit, antequam felicia Græcorum advenire tempora, in quibus floruit, ac pene stetit medicinæ Praxis, adeo ut hæc unica in terris gens, solidioris Medicinæ gloriam, patrio quodam veluti jure, sibi adsciverit.

Quæ vero artibus atque scientiis omnibus obtingit fors, ut, minimis exortæ initiis, suas periodos, ac fatalia habuerint tempora, antequam ad illud, quod hodie attingunt, perfectionis devenere culmen, illam etiam experta, vitæ sanitatisque custos, strenua morborum expultrix, Medicina: a Græcis enim summo studio excult-

ta, subsequenti tempore concidit, ac tandem sine duce erravit, donec Arabes, Græcis sapientiæ thesauris in potestatem redactis, magnam, in docenda explicandaque Apollinea arte, operam, magnamque curam consumserunt, & publicas etiam per universam ditionem ædificaverunt Scholas.

Ab his ad Hispanos, Italos, omnesque Europæ Gentes pervenit utilissima humano generi Disciplina, atque plurimarum industria, Anatomicis, Botanicis, Chemicis, aliisque inventis, tanta cepit incrementa, ultimis præsertim sæculis, & hoc, quo vivimus, ævo, ut hodierna medicina, solidioribus superstructa fundamentis, veteri longe præstantior sit prædicanda.

Quamvis autem Græci præstiterint multa, Arabes addiderint nonnulla, Recentiorum

rum merita summa fuerint, nullam tamen scientiam majoribus implicitam & hodie esse difficultatibus, nullam erroribus magis obnoxiam, quam quæ Praxeos Medicæ nomine venit, concedent omnes, qui veram illius basin corporis humani structuram, non nisi pro parte cognitam esse, animadvertunt, qui ad morborum differentias tantas, ut vel solos oculos ducenti & ultra turbare atque vexare observentur, qui ad signorum confusionem, novorum & singularium affectuum exortum, illorum denique transmutationes, rite attendunt.

Non itaque in Græcorum, non in Arabum, non etiam in Recentiorum inventis acquiescendum medico, qui suo firmoque stare talo, cum hostili morborum agmine de victoria contendere velit, nec Gubernatoris adinstar agere, qui scopulos,

syrtes, vortices, vada nesciens, quo ipsum fata trahunt, retrahuntque, sequitur improvidus, sed natura tum corporis tum morborum perscrutanda, cujusvis affectus origo serio investiganda, omnium technæ, fraudes, indoles universa perquirenda.

Hanc ad indaginem variæ patent viæ. Nulla autem aptior, nulla accommodatior, certior nulla existit, quam morbosorum cadaverum inspectio. Hæc practicæ medicinæ Gubernatrix. Hac ad intimos abditosque organorum recessus paratur via, funestæ morborum exponuntur clades, tutior patet curandi methodus, & accuratior instituitur prognosis, ubi fatorum mandata rescindere non licet.

Tot, saltem mihi, hæc amænissimæ artis pars Humano generi adferre commoda, tantopere praxin medicam illustrare videtur,

tur, ut, iterum ex hac cathedra verba
 facturus, & nullum argumentum vestra
 attentione dignius, nullum a muneris mei
 ratione minus alienum, censens, agere de-
 creverim, *de circumspetto cadaverum exa-*
mine, optimo practicæ medicinæ adminiculo.

Vos, AUDITORES HONORATISSIMI, lin-
 guis animisque, favete.

Recte morbos curaturum, quem prima
 causæ origo non fefellerit, aurea Latini
 HIPPOCRATIS, Medicorum TULLII, verba
 sunt (*b*), omni attentione digna; namque,
 ut causas rerum scire, maxima sapientiæ hu-
 manæ pars est, & qui novit effectuum proxi-
 mas ac veras origines, incognita multa de-
 tegere, nova invenire, de eventibus ratio-
 nes reddere valet, sic Medico præprimis
 causarum scientia maxime necessaria.

Hic,

(*b*) De Medicina Præf. ad lib. 1.

Hic, ni cæco impetu agere, & in vitæ ac sanitatis negotio temere omnia moliri velit, in rationibus investigandis omnium mutationum, quæ in corpore fiunt, sedulo occupatus sit, oportet. Habent quippe omnes, suas, alias atque alias sæpe in iisdem hominibus, proprietates, causas sibi proprias; unicuique non fictitia, sed certa natura, certa ac propria principia, status, decrementa.

Eviluit dudum Methodicorum, strictum & laxum, vel ex utroque mixtum in unoquoque morbo incusantium opinio; rejecta SYLVII, ex acido, bile, & pituita omnium morborum origines deducendis, sententia; repudiata pariter potuum calidorum præconis, aliorumque, acidum & viscidum, indeque natas obstructions increpantium hypothesis, ac, detecto sanguinis circulo,
 Divino

Divino illo ad veritates medicas enucleandas invento, referatis chyli ac lymphæ viis, viscerum structura penitus perspecta, nervorum divisionibus investigatis, tantam etiam esse causarum differentiam, constitit, tantum numerum, ut, quot cælo sidera fulgent, quot profundo æquori innatant pisces, tot etiam dentur fontes, qui morbos adducere, mortem accelerare valent.

Summa itaque causarum si differentia, ingens illarum si copia sit, & tota cujuscunque morbi sanatio earum in sublatione consistat, quis, medicinæ sacris vel leviter initiatus, sponte sua non intelligit, illos demum, quibus hæ antea sunt perspectæ, remedia, iisdem tollendis apta invenire, methodum curandi optimam detegere, eventus prælagire valere.

Recte hinc Dogmatici, fidei animi sen-

B ten-

tentiis nihil tribuentes, effrenam speculandi disputandique licentiam, ardens etiam & flagrans in novas hypotheses studium, abhorrentes, medicinam non ad mentis angustias arctant, non humani ingenii, sed temporis filiam esse, statuunt. Hi, medicum, naturæ ministrum & interpretem, naturæ non imperare posse, nisi hanc cognoscat, nisi naturæ obtemperet, optime gnari, ipsius leges observare, notare, illis obsequi student, ætatem inter experimenta consumunt, & ad intimam morbosæ naturæ cognitionem pervenire, omni nituntur ope.

Vident vero, non sufficere ad hanc cognitionem generalem structuræ corporis notitiam, non exactum retentorum & excretorum examen, non juvantium & nocentium scrutinium, non bestiarum etiam ex-

tisp-

inspicienda (in quibus HIPPOCRATEM, aliosque morborum sedes quæsisisse, constat), sed humana cadavera esse secanda, omni ægritudinum genere defunctorum corpora esse inspicienda.

Hæc unica ad solidam morborum notitiam perveniendi ratio; hæc, clavis adinstar, abditiora naturæ morbosæ penetralia referat, & in tanta æstimatione, ea propter, veteribus etiam fuit, ut Ægyptiorum Reges sibi dedecori non habuerint, in apertis cadaverum visceribus mortis inquirere causas (c), & vel illi, qui empiricam præ rationali medicina extollere annisi sunt, practicam tamen non improbaverint anatomen: ac profecto, ex unica per illam circa morbi causam facta observatione plus utilitatis in praxin redundat, quam ex mille, subtilissimis licet, theoreticorum ratiunculis.

B 2

Fa-

(c) PLINII Hist. Nat. lib. 19. cap. 5.

Fateor, non omnia, quæ, extis a morte inspectis, observantur, primas ac proximas morborum causas esse dicenda, multa potius causarum atque mortis effectus sistere, alia non tam a morbo quam a mala curatione derivari debere, verum obscura caligine circumfusus sit, oportet, qui inde concludere vellet, veros morborum fontes medicâ anatome detegi nunquam. *Illa enim* facillime distinguuntur, si naturalis corporis humani fabrica cognita atque perspecta, si prægressarum in ægro rerum series rite animadversa est, & docuere plurima, eaque luculentissima, exempla, morborum origines, quas ne vel primi in arte magistri comprehendere potuerant, facillime in denatis fuisse detectas.

Nonne in MAUROCENO, Episcopo Brianiano, cujus, variis afflicti malis, ventrem,
ru-

tumor dubiæ adeo naturæ atque sedis occupavit, ut medicos, quotquot etiam fuerant advocati, in diversas deduxerit opiniones, curationem non saltem difficilem, sed & plane impossibilem reddiderit, cadaveris inspectio, omnes in conjicienda mali natura fuisse deceptos, ostendit, dum ileum totum & jejuni proxima pars, suis, quæ infra umbilicum sunt, sedibus relictis, sursum retracta, coacervata, & arctissime inter se conjuncta essent? (d)

Nonne in Illustrissimo Nobilissimoque Barone DE WASSENAAR, cujus doloris, horrenda mala, imo denique mortem, adferentis sedem, vel ipse Belgarum Æsculapius, BOERHAVIUS, divinare non potuit, veram mali causam in ruptura œsophagi fuisse quæreren-

(d) MORGAGNI de sedibus & causis morborum per Anatomicen indagatis Epist. 39. pag. 127.

rendam, extorum docuit examen. (e)

Cranii exostoses internas; duræ matris ossificationes, piæ meningis crassitiem tantam, ut facillime ex cerebri circumvolutionibus extrahi potuerit; cerebri ac cerebelli erosiones, scirrhos, lithiasis; glandulæ pinealis, angustæ illius, angustæ animæ, ut voluit CARTESIUS, sedis indurationes; retinam ossæam; lapillos in *lente crystallina* visos, enarrarem: Pulmones, vario modo vitiatos; cordis rupturas, concretiones osseas, ulcera; hujus & majorum vasorum aneurysmaticas dilatationes, calculos adducerem: Abdominalium viscerum miras degenerationes, angustias, coalitus, hernias internas, intusceptiones, scirrhos; vermes atque lapides in pancreatico ductu re-

per-

(e) Vid. CL. BOERHAAVE Atrocis nec descripti prius Morbi Historia, in Opusculis pag. 98. sq.

peritos; calculum cyſternam lumbarem op-
 plentem; ductum thoracicum laceratum;
 diſſolutas venas lacteas; ruptum uterum; &
 ſexcentas alias a naturali ſtatu deviationes,
 veras morborum cauſas, commemorarem;
 niſi, injuriam Vobis & veſtræ in audiendo
 lenitati facturum me, exiſtimarem.

Unicam tamen corporis humani actio-
 nem læſam conſideremus; illam, quæ ab
 ipſo partu ad ultimum uſque vitæ termi-
 num perdurat, a cujus integritate ſanitatis
 vigor, tota etiam dependet vita.

Respirationis læſæ cauſas ſi examinemus,
 antea latentes, noſtra demum arte detectas,
 admiratione adſicimur, atque obſtupeſci-
 mus, tot, tantas, adeoque inter ſe diverſas
 illas eſſe, ut exiſtere poſſe, ne ſomniave-
 rint quidem medici, & jure exclamaverit Ba-
 GLIVUS: O quam difficile eſt, curare mor-
 bos

bos pulmonum ! O quanto difficilius eos. dem cognoscere ! fallunt peritissimos , ac ipsos Medicinæ Principes (f) !

Quoties enim constitit , organis, quæ proprie ad hanc actionem concurrunt, sanissimis, vel vix mutatis, ipso in capite vel abdomine sedem latuisse mali ? Quoties anxia respiratione suffocatorum corpora docuere, laryngis cartilagine, crassitie adauctas, angustissimum aëris meatum reddidisse ; pus, obturamenti in modum, cavum laryngis occlusisse ; tumorem putridum, farcomata, lapides , asperam arteriam compressisse ; thymum induratum, thyreoideam glandulam, hydatidibus plenam, lapideam, aëriferum canalem arctasse ; polypos, calculos, lumbricos, illum obstruxisse ; bronchiorum annulos osseos, lapides, in pulmonibus

(f) Prax. Medic. lib. 1. cap. 9.

bus productos, aquam in pleuris vel pericardio collectam, cordis aërtæque aneurysmata, tumores steatomatosos, diaphragma partim osseum, pulmonum dilatationem impedivisse.

Tot, A. H., imo longe plures causæ hanc actionem lædere, turbare, & plane impedire valent, de quarum præsentia, absque hoc Anatomæ adminiculo, cogitasset forte nullus: & quam immensus, in quo exultare Oratio posset, se mihi panderet campus, quam lata dicendorum pateret ærea, si omnes morbos percurrere, & quot horum origines dicto modo fuerint detectæ, examinare vellem. Deglutitionis impeditæ, vomitus, hydropis, aliorum malorum sedes, veteribus ignotas, ex Anatomico hoc fonte derivarem longe plurimas, nisi audire mihi videretur reponentium murmura, causa

C

mali

mali detecta, sanationem tamen non meliorem reddi, minimeque verum esse HIPPOCRATIS (g) effatum, medicum, siquidem sufficiat ad cognoscendum, sufficere etiam ad sanandum.

Cedo, accuratiorem causæ morbificæ cognitionem non semper satis esse ad morbum tollendum, illum sæpe vel optimorum remedium efficaciam vincere, variorum affectuum curam difficilem, imo plane impossibilem, hætenus mansisse. Cedo, nec viscerum miram degenerationem, in Venerando MAUROCENO observatam, nec œsophagi rupturam, vividissime a BOERHAVIO depictam, nec multas etiam ex enarratis læsæ respirationis causis, tolli potuisse, etiamsi certa nec fallentia signa, vivente ægro, illarum præsentiam declarassent; verum

(g) Lib. de arte n. 20. Vol. I. pag. 11. Edit. Lind.

rum quoties doluere cordati medici, qui, errores suos utilitate non carere, summo jure statuunt, ubi morborum causas in cadaveribus rimati sunt; longe aliam in sanando eligendam fuisse viam, si ex certis signis cognoscere potuissent, talem sub herba latuisse anguem.

Non BALLONIUS (*b*) se decipi passus esset in ægro, cui admodum alte palpitans pulsansque hypochondrium, si aortæ aneurysmatum indicia, ex sufficienti observationum, tunc temporis rariorum, numero colligere valuisset.

Non tumores quoscumque in pectore, cervice, dorso, lumbis subortos, aperuissent incauti, si omnium capacissimam arteriam tantopere se extendere posse, per practicam didicissent anatomen, ut, destructis costa-

C 2. rum

(*b*) Lib. I. Confil. 107.

rum cartilaginibus, consumto pariter sternone, ad capitis magnitudinem se extrorsum manifestare posset (i): Si ejusdem adminiculi ope cognovissent, aquam, in specu vertebrarum collectam, nunc in cervice, nunc in dorso, nunc in lumbis, posteriorem, eamque cartilagineam, vertebrarum dissolvere partem, tumorem, solis integumentis tectum, formare, quo aperto, nuda medulla, citissime corrupta, miseros infantes letho tradit.

Nec tot puerorum millia sustulisset illa, quæ totam ferme Europam aliquoties invasit, angina, ni medici statuissent, cadaverum sectionem ad dignoscendum hunc morbum prorsus esse inutilem; vidissent enim, non constitisse in partium, quæ ad
aperto

(i) Videatur Observatio nostra *de ingenti Aneurysmate sœriæ*, Belgice anno 1765. edita, atque inserta Tom. IV. Nov. Act. Acad. Nat. Cur. pag. 20.

aperto ore cerni possunt, tonsillarum præsertim, inflammatione & gangræna, sed maximam etiam labem in aspera arteria latuisse, ut diligentiores postea notarunt alii.

Et quis, denique, vel ipsius HIPPOCRATIS aurea scripta attento volvens animo, non animadvertit sæpius, summum hunc naturæ observatorem longe plures sanaturum fuisse morbos, si cultri ope illorum inquirere causas; ipsi fuisset concessum. Revera enim, in permultis casibus, causa morbi inventa, inventam etiam esse sanationem, & plurimos ab hostili morborum insultu esse liberatos, quando latens malum ab artis nostræ perito detectum fuerat medico, ostendit melius determinata, incisis post mortem oculis, suffusionis sedes, certior proposita cura; docuit VALSALVÆ felicissima, aliorum respondentibus experi-

mentis sæpius comprobata, aneurysmatis interni curatio (*k*); probavit PETITI infantes, retracta lingua in suffocationis periculum deductos, servandi consilium (*l*); evicit optima hernias vesicæ, ventriculi, aliarum partium restituendi methodus; confirmavit denique catheterismi instituendi laudata, & propria experientia confirmata, necessitas, tali etiam in casu, ubi *urinæ involuntarium* adest stillicidium.

Quæ cum ita sint, A. H., vosmet ipsos judices compello, bene an male practicam anatomen clinico magnæ utilitatis esse censeam, & vel maximis laudum encomiis dignissimam eam esse, vestrum concedent omnes, si Physiologiæ, practicæ medicinæ
tuto

(*k*) Conf. Cl. MORGAGNI lib. de sedibus & causis morborum Epist. 17. artic. 31. Tom. 1. pag. 161. ALBERTINUS Comment. de Bonon. Scien. Acad. Tom. 1. in Opusc.

(*l*) Hist. de l'Acad. Royale des Sciences, année 1742. Mem. pag. 339.

ruto ac stabili fundamento, non pauca pariter inde accessisse incrementa, breviter comprobavero.

Quamvis MALPIGHIO, asserenti, ad structuræ investigationem sanis præferendas esse partes morbosas, minime assentiendum esse, omnes jure statuent, quos glandulosa natura, ab ipso hepatis, renibus, lieni, aliis etiam partibus, falso adscripta (*m*), docuit, sæpe male in subiecto morbofo naturæ voluntatem quæri; quis tamen negaverit unquam, hujus nostræ artis adminiculo sæpius partium functiones fuisse detectas, ac confirmatas, vel talium, quæ his aliisve partibus fuerint tributæ, ostensam esse falsitatem? Quis sponte sua non concedet, canalis nasalis coalitum, ureteres calculis obstructos, glandulas scirrhasas, chyli ferum vas com-

pri-
(*m*) Videantur Ipsius Exercitationes Anatomicae de structura Viscerum, & Epistola de glandulis.

primentes, vel tubulorum lacteorum rupturas efficientes, ductum cysticum occlusum, Eustachianæ tubæ obturationem, lacrymarum, urinæ, chyli, bilis vias, aëris ad aurium interiora commeatum, declarasse? Præterea cerebri qualescunque compressiones, cataractæ species multiplices, callosam retinam; auris internæ vitia, polypos narium cava opplentes, cor cum pericardio connatum, valvulas osseas, œsophagi scirrhus, ventriculi callositates, intestinorum volvulos, nervosi systematis, sensuum, cordis, primarum viarum, functiones illustrasse, demonstrarem; Prostatae duritiem, deferentium vasorum concretionem, lapillos in vesiculis seminalibus inventos, ovariorum in sterilibus absentiam, Falloppianarum tubarum obstructions, foetus extra uteri capacitatem inventos, generationis negotio non par-

parvam adfuisse lucem, ostenderem; scirrhosum, vel alia de causa vitiatum, cerebellum, nimium huic visceri antea fuisse tributum, optime monstrasse, probarem, aliaque exempla adducerem bene multa, nisi unica celebris Berolinensis Anatomici, MECKELII, observatio assertum nostrum comprobaret egregie: etenim jam ante centum & quod excurrit annos, inter Societatis Anglicanæ Sodales agitata, & nuperis controversiis celebris etiam reddita quæstio, num aër pleuram inter & pulmonem sit, illa illustratur & explicatur quam optime. Vidit nempe, anxietatis respirationis, quæ demum mortem ægro attulit, nullam aliam extitisse causam, præter aërem, inter pulmonem dextrum atque pleuram collectum, quo detrusum non solum diaphragma, abdominalium viscerum mutatus si-

D rus,

tus, verum etiam pulmo ad tantam angustiam redactus, ut, vel maxima vi per asperam arteriam inflatus, aër illum explicare non potuerit (*n*).

Nec hic etiam subsistit Artis utilitas, verum illa pariter quandoque constare, male subinde effectus medicamentis fuisse adscriptos, qui longe aliis causis erant attribuenti, docuit calculosorum a morte examen. Horum enim inspectio luce meridiana clarius ostendit, maximum solatium, quod, Anglicano vel aliis remediis usi, perceperant, minime ab his medicamentis fuisse derivandum, minime horum efficaciam lapides, cathetere antea inventos, postea vero illo non detegendos, dissolvisse, sed contra etiam, variis sæpe in locis, vesicam, liberos
an-

(*n*) Hist. de l'Acad. Royale des Sciences & Belles Lettres, année 1759. pag. 42.

antea calculos comprehendisse omnes (o).

Tot itaque fructus si ex sedula cadaverum inspectione profluunt, si causæ morborum deteguntur, plurimorum sanationes feliciores redduntur, prognosis certior evadit, functiones partium, remediorum etiam vires, illustrantur, quis Vestrum, A. H., non concedet, illos, qui, huic arti non magnopere fidendum esse, statuunt, qui, medico practico anatomen non apprime necessariam esse, publicis etiam in scholis defendere sustinent, refutatione omnino indignos esse? e contrario, ni turpiter fallar, cuncti Vestrum omni laude dignissimos censebunt illos, qui hoc in campo defudarunt, magnis laudum encomiis celebrabunt CASTELLOS (p), VESA-

(o) Philosoph. Transact. No. 462. A Description of the Human urinary bladder by J. PARSONS, pag. 234. J. F. SCHREIBER Epist. ad A. HALLERUM de Medicamento ab JOHANNA STEPHENS contra calculum divulgato.

(p) Vid. TH. BONETI Præfatio ad Sepulchreti Tom. I. pag. 2.

SALIOS (*q*), EUSTACHIOS (*r*), HARVEOS (*s*), BARTHOLINOS (*t*), quamvis opus exequi negaverint Parcæ; WEPFERUM etiam, qui, Poliatri provinciam auspicaturus, a Magistratu Schafhusano defunctorum corpora in Nosocomiis secandi privilegium, tunc temporis insolitum, quin exitiosum, petiit, obtinuit, & veras morborum investigavit causas (*v*): nullos autem uberioriæ honorum laudumque accessione cumulabunt, quam BONETUM, quam MORGAGNUM, qui suo de sedibus & causis morborum opere, cedro sane digno, plus præstitit,

(*q*) De Corp. Hum. Fabrica lib. I. cap. 5. Oper. Tom. I. pag. 17. Conferatur SCHENCKII Præfatio ad Observ. Medic. rar. pag. 2.

(*r*) Opusc. Anat. pag. 119.

(*s*) Conf. TH. BARTHOLINI Epist. Medicinal. Cent. 4. pag. 390. & Consilium de Anatome practica in cadaveribus morboſis adornanda. pag. 6.

(*t*) In consilio mox citato. pag. 6. 8. aliis.

(*v*) Vid. Memoria WEPFERIANA, præfixa observationibus Medicò-Practiciſ de affectibus capitis internis & externis. pag. 2.

tit, quam ante eum omnes, qui medicinæ practicæ faciem prætulit splendidissimam, sua non solum innumera, sed & præceptoris VALSALVÆ observata communicando, illustrandoque, ac summam labore, industria, diligentia partam post se reliquit famam.

Nè tamen credatis, A. H., rem penitus exhaustam esse; novum incognitorum affectuum agmen ubivis gentium late emergit, & funestum ægrotantium catalogum largiter auget, ut sæpius queri cogamur,

*Macies & nova febrium
Terris incubuit cohors,
Semotique prius tarda necessitas
Lethi corripuit gradum.*

Latent innumerorum malorum causæ; latent plurimorum sedes, quorum ut cognitio incerta, sic sanatio plane impossibilis, quas

D 3 ta-

tamen posteri forte detegent, si in eodem tramite strenue pergunt, summorum virorum vestigia legunt, nec ullam, cadavera inspiciendi, prætermittunt occasionem.

Ast, cheu, dolendum ac deplorandum artis nostræ fatum, quod inter hodiernos medicos & chirurgos paucos inveniat patronos, pauciores cultores.

Illi, veterum ~~Empiricorum~~ *Empiricorum* adinstar, sola nocentium & juvantium experientia contenti, abditas morborum causas perquirere, inutile ac supervacaneum judicant, ad sedes malorum non attenti, omnem potius in fingendis iis impendunt operam, salubriora medicinæ præcepta convellunt, experimenta per mortes agunt, aut saltem omnes, insanabiles etiam, morbos temere aggrediuntur, ut sæpius ægri exclamare debeant

Irrita

*Irrita lethiferos auxit medicina dolores,
Crevit & humana morbus ab arte meus.*

Hi rei anatomicæ tantopere rudes sunt, ut naturalem partium structuram ignorent, id, quod maxime secundum naturam est, pro funesto referant morbo; cranio arctius adhærentem duram matrem lethalem infantum morbum pronuncient, papillas linguæ pro verrucis habeant, imo ASELLII pancreas in tantam excrevisse magnitudinem enarrent, ut ad ventris anteriora pervenerit; dum vel illi, qui corpus humanum obiter inspexerunt, naturaliter duram meningem cranio firmiter, præcipue in infantibus, adhærere, papillas majores in parte posteriore linguæ semper adesse, ASELLII autem pancreas, canino generi proprium, in humano a nemine fuisse detectum, sciunt.

Tales

Tales itaque si Medicorum, tales si Chirurgorum multi sunt, mirari quisque desinet, illos fortasse vereri, ne in dignoscendis morbis errores detegantur, hos suam apatomes inscitiam celare velle, atque tum ab his, tum ab illis, negligi pessime artem, humano generi adeo salutiferam.

Non tamen ita omnes, sunt & in nostra, sunt & in aliis bene multis regionibus, medici, genuini HIPPOCRATIS filii, qui suas, minus feliciter confectas, curationes aperte describunt, &, SYDENHAMUM (x), MEADIUM (y), HAENIUM (z), aliosque imitati, posteris prudentiæ in exemplum proponunt. Hi etiam morborum, quos viventibus ægris cognoscere non potuere, sedes in extis rimari nunquam intermittunt, multa, pulcherrima,

(x) In Operib. univ. pag. m. 487.

(y) Vid. Iplius Monita & Præcepta Medica passim.

(z) Rat. Med. Tom. 2. cap. 6. pag. 98. Edit. Vien.

rima, detegunt, detegerentque longe plura, nisi his alia se offerrent impedimenta.

Parentum quippe inepta charitas tanta est, ut integrum corpus, mox vermium escam futurum, terræ visceribus includere malint, quam, sectionis adminiculo, certiore sanandi viam aliis monstrare; tanta plurimorum in demortuos religio, ut cadauera inde, si non violari, attamen lædi credant, ut defunctorum aut affinitatis estimationi detractum iri, putent, cum supplicio affectorum corpora Anatomicis traduntur theatri.

Ast, licet evelli ex nonnullorum animis fallax illa mortuorum corporum reverentia posset, quamvis imperitissima, & superstitiosa plebs, si non de utilitate artis convinci, saltem auro ad illam concedendam adduci valeret, non tamen tanta, quanta deside-

E

ran-

rantur, hujus scrutinii forent commoda, nisi alia bene multa accederent.

Non enim sufficit, morbosorum cada-
vera secare, non deviantem observare na-
turam, atque præternaturales partium situs,
formas, aut, quæcunque etiam fuerint,
aberrationes sedulo adnotare, nisi a disse-
ctore ipso morbi ab ortu ad finem per om-
nes mutatas scenas fuerint observati, aut
ab aliis rite recensiti. Recte hortabatur VE-
SALIUS discipulos, notarent sedulo, quæ de
morbis ægrotantium in Nosocomiis Profes-
sores differebant, ut, mortuorum dein cor-
pora nati, rectius inquirerent in morbi
mortisque causas, grataque hac discendi oc-
casione possent frui, lætari (a). Et, sane,
(GLISSONII (b) consilium est) illi demum
per

(a) Conf. BOERHAVII & ALBINI Præfatio ad Opera Vesa-
liana, pag. 10.

(b) In tractatu de Rachitide pag. m. 9.

per practicam anatomen medicinam promotebunt, qui sæpius sanorum corpora, & alia alio tempore diffecuerunt, prægressarum in ægro rerum seriem atque ordinem rite attenderunt, ex nimis paucis exemplis nihil concludunt, &, si demum plura cadavera post eundem morbum denatorum examinarunt, illa inter se comparant, quod præter naturam in omnibus similiter fuerit, pro causa morbi, quod in aliis aliter pro morbi effectu habent. Hoc vero non unius aut cujusvis practici opus, sed unita plurium studia, concordēs, fidelesque exposcuntur labores. Tum enim ad summum perfectitudinis culmen hæc Anatomēs pars deducetur; Tum, si non omnium, saltem plurimorum affectuum naturæ detegentur, si medici unanimi, assiduo, labore & studio id suscipiant, ut in rariori non tantum, ve-

E 2 rum

rum in quocunque morborum genere defunctis, quæ mali fuerit sedes, quæ causa, qui exitus antecedentium symptomatum, qui demum effectuum omnium, in antecedenti morbo observatorum, eventus, cultro, manibus, oculis, investigent, investigata & iudicii lance examinata, nullis tamen speculationum adulterata fucis, candide communicent.

Tali modo practicam excolendi Anatomicen optimam occasionem præbent Nosocomia. Hæc enim, non longe ante JUSTINIANUM instituta, & ab Ipso egregia liberalitate aucta (c), tum demum Apollineæ arti summos attulere fructus, quando, circa initium seculi decimi sexti, demortuorum corpora summo studio in iis examinarunt.

Tali

(c) Vid. J. H. SCHULZE in Comment. Acad. Scient. Imp. Petrop. Tom. 13. pag. 453.

Tali itaque instituto si nos pariter gloriari possemus, tandem illucesceret ille dies, quo Medicina ad summam perfectitudinem esset deducta, tum demum satisfactum foret BARTHOLINI voto (*d*), qui plures optabat BALLONIOS, ut debita diligentia per dierum seriem consignarent & raros morborum eventus, & remedium successus, & observata in cadaverum dissectione, tum omnes strenui artis nostræ cultores, VALSALVÆ ad exemplum (*e*), de præsentibus verissime judicarent, de futuris non minus vere conjicerent, quo in viscere, quæ in hujus parte, quæ esset labes, ægro etiam vivente pronunciarent, multos cives patriæ, infantes parentibus redderent, servarentque innu-

(*d*) Conf. G. H. VELSCHII Sylloge Observ. & Curat. medic. pag. 4.

(*e*) Vid. J. B. MORGAGNI Commentariolum de vita & scriptis VALSALVÆ in Operum omnium Tom. I.

innumeros, nunc ob multorum inſcitiam ad æthereas avolantes ſedes.

Plura ſuperadderem, A. H., niſi, quam effluxiſſe adverto, aqua, vela Orationis contrahenda eſſe, moneret, atque ſatiſfaciendum ſcopo, cui feſtus hicce dies maxime dictus.

Vos itaque compello, ILLUSTRISSIMI
AMPLISSIMIQUE VIRI, & tantam tam
eximiam veſtrorum erga me benefactorum
magnitudinem eſſe, gratus agnoſco, ut
iis enarrandis non ſufficiam. Tam bene
enim de me meisque ſtudiis judicaſtis,
adeo benignum de qualicunque meo labo-
re tuliſtis iudicium, ut, quem, vix elapſo
anno, Profeſſoris extraordinarii munere
haud indignum cenſuiſtis, nunc ad ſum-
mum honoris faſtigium evehere placue-
rit. Gratias itaque Vobis ago, non quan-
cas

tas debeo, sed quantas possum maximas, & immortales, sancteque polliceor, nullam mihi priorē, nullam potiorē fore curam, quam ut demandato mihi munere pro virili semper defungar, quam ut promovendis Academiæ commodis summo cum fervore me devoveam totum, omni virium contentione ostensurus, beneficia, quæ adeo cumulate in me collocastis, nec in ingratum, nec in indignum a Vobis fuisse collata.

Vos autem, Divinarum Humanarumque disciplinarum PROFESSORES clarissimi, Vos obsecro atque obtestor, me, Illustrissimorum Procerum favore, doctissimo Vestro ordini adscriptum, placido atque benigno animo admittatis, consilio atque prudentia juvetis. Eruditione, experientia Vobis longe minor, pacis autem ac concor-

cordiæ amantissimus, Vestram amicitiam, Vestrum favorem quocunque modo demereri studebo. Vobiscum Academiae commodis, studiosorum utilitati, invigilasse, summo mihi honori ducam, &, licet æquis passibus Vos sequi nequeam, Vestra tamen legisse vestigia, laudis mihi satis erit.

Nec Vos infalutatos dimittere licet, Præstantissimi, rei medicæ sacрати, JUVENES. Tanta frequentia, tanta assiduitate meis laboribus adstitistis, ut iniquissimus Vobis essem, si ad Anatomen atque Chirurgiam majori fervore excolendam, Vos exhortari vellem. Pergite eodem tramite, meque ducem sequamini; ut enim hætenus mihi nihil gratius nihil jucundius fuit, quam vestris inservire commodis, nullum & in posterum subterfugiam laborem, nulli parcam

cam tempori, ut Vos juvare, Vestra, quocumque etiam modo fuerit, studia promovere valeam; id saltem a Vobis petens, ut, quæ me hætenus prosequuti estis, benevolentia frui contingat semper.

D I X I.



THE
JOURNAL OF THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 12. PART 1. 1882.
LONDON: PUBLISHED BY THE INSTITUTE.
1882.

1882.



